



UNIVERSITÄTS-
BIBLIOTHEK
PADERBORN

Fasti Mariani

Brunner, Andreas

Antverpiæ, M.D.C XXX III.

S. Iacobvs Poenitens. 28. Ianuarii.

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

orbis gaudeat, qui præceptorem magnam Paulum, imò eundem cum Paulo inagistrum Spiritum S. habuit? Nam hunc obvolitantem capiti suo, dum sacris operaretur, conspexit ipse; illum, dum ad mensam scriberet, assistere distanti similem alii etiam viderunt. Talis itaque IOANNES cum urbe suâ hæreticos, & cum his vitia alia, ac blasphemiam imprimis proscriberet, sanctæ libertatis vindex acerrimus, æqui iustiq; unicus amator in odium Augustæ Eudoxiæ incidit: nam IOANNES imperii sui etiam in Reges memor templi aditu gravibus ex causis profanam prohibuerat, & in statuam ejus, quæ propter templum choreis ludisque non sanctis colebatur, graviter detonuerat; jamque secundum exul in meliorem patriam calum abiit, ad id à geminis, quos supra memoravimus, Apostolis & D. Mart. Basilisco invitatus, siluit itaque aureum hoc os anno post reparatam salutem septimo supra quadringentesimum. *Ex Surio.*

S. IACOBVS POENITENS.

28. Januarii.

Hominis, mi lector, speculum cape & peccantis & pœnitentis, IACOBVM inspice. Hic postquam Anachoretæ XL. omnino annos DEO militavit, miranda maxima patravit, trophæa de

de hoste inferno statuit plurima, id
 ætatis vir à fœminâ demum triumphatur,
 & ab eâ fœminâ, in quâ ipsum cacodæmona
 non horruerat, imò è quâ victum eiecerat.
 Huic itaque infelix primò pudorem, mox vitam
 extorquet. Et verò tertiu scelus accumulasset
 desperabundus, & victum se mundo dedidisset,
 nisi à tam turpi fugâ sanctissimi viri operâ
 DEVS retraxisset. Tum enimverò ad se redire
 IACOBVS, sepulchrum vivus subire, mortem
 suam vivus deslere in decimum annu usque:
 celo interim oculos nunquam attollere, vix
 semel aut iterum in hebdomade de herbulis
 vesci, quæ ad ostium conditorii crevissent.
 Ipse certè Apostolus peccato mortuum dixisset.
 Sed nunquam pulchrius ille vixit, quàm sic
 mortuus. Nam supplicii hic spontaneis placatum
 Numen disertis verbis ex Episcopis nonnec
 mini significavit, beatum imbrem, quem tam
 anxie sed nequicquam postulabant, non nisi
 ad preces IACOBI concedendum. Atque hoc
 aliisq; ejuscemodi miris eum iterum orbi
 innotuisset, mori denique desit annos
 natus LXXV. habuitq; novo more unum
 idem, & domicilium & sepulchrum. *Ex Surio.*